



Broj: 04-11-2173-3/21  
Goražde, 30.11.2021.god.

Na osnovu Odluke Vlade Bosansko-podrinjskog kantona Goražde o davanju saglasnosti na utrošak sredstava „Program podrške razvoju poduzetništva i obrta za 2021. godinu“ broj: 03-11-2108/21 od 26.11.2021.godine, sa ekonomskog koda 614500 POD 003-Subvencije za podsticaj razvoja poduzetništva i obrta, Ministarstvo za privredu Bosansko-podrinjskog kantona Goražde raspisuje:

**JAVNI POZIV**  
**za odabir korisnika sredstava za finansiranje po „Programu podrške razvoju**  
**poduzetništva i obrta za 2021. godinu“**

**I PREDMET JAVNOG POZIVA**

Predmet Javnog poziva je prikupljanje prijave, apliciranih putem aplikacione forme za dostavljanje prijedloga projekata za odabir korisnika sredstava za dodjelu državne pomoći po „Programu podrške razvoju poduzetništva i obrta za 2021. godinu“. Sredstva su planirana u Budžetu Ministarstva za privredu Bosansko-podrinjskog kantona Goražde za 2021. godinu, na ekonomskom kodu 614500 POD003- Subvencije za podsticaj razvoja poduzetništva i obrta, u visini od 150.000 KM.

**II NAZIV POSEBNOG CILJA PROGRAMA, KRITERIJI I KORISNICI SREDSTAVA**

**Poseban cilj:**

- **Pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina i ugostiteljstvo) sa ciljem očuvanja djelatnosti i poboljšanja uslova poslovanja, te poboljšanja ukupnog životnog standarda u Bosansko-podrinjskom kantonu Goražde ..... 150.000,00 KM**

**(Prvi poseban cilj)**

U okviru ovog posebnog cilja obezbijedit će se podrška obrtnicima, starim zanatima i obrtnicima u niskoakumulativnim djelatnostima, kao i poslovnim subjektima registrovanim za trgovinu i ugostiteljstvo u cilju očuvanja i unaprjeđenja postojećeg obrta i srodnih djelatnosti obrtu (trgovina i ugostiteljstvo).

Podrška će se prioritarno pružiti u vidu sufinansiranja i finansiranja nabavke stalnih sredstava, mašina, uređaja i ostale opreme, nabavke sirovina, repromaterijala i rezervnih djelova, isplatu plaća i doprinosa, rekonstrukcije i investicionog ulaganja u objekte u cilju očuvanja djelatnosti i poboljšanja uslova poslovanja, kao i ulaganja u aktivnosti koje se odnose na pripremu za izvoz vlastitih proizvoda.

Na ovaj poseban cilj aplicira se isključivo putem aplikacione forme za projekte.

Aplicirati se može samo na ovaj poseban cilj predviđen Programom, a pravo apliciranja nemaju privredni subjekti koji su registrovani kao privredna društva, kao i privredni subjekti koji su registrovani za poljoprivrednu djelatnost (oni apliciraju na posebne programe u okviru resornog ministarstva).

### **Kriteriji za izbor projekata:**

Prioritetne aktivnosti i mjere za učestvovanje u Programu u okviru ovog posebnog cilja su:

- očuvanje i unaprjeđenje postojećeg obrta, starih zanata i niskoakumulativnih djelatnosti, kao i djelatnosti srodnih obrtu (trgovina, ugostiteljstvo), sufinansiranjem i finansiranjem nabavke stalnih sredstava, mašina, uređaja i ostale opreme, nabavke sirovina, repromaterijala i rezervnih djelova, isplate plaća i doprinosa, upošljavanja novih radnika, rekonstrukcije i investiciona ulaganja u objekte, kao i ulaganja u aktivnosti koje se odnose na pripremu za izvoz vlastitih proizvoda

Za sufinansiranje i finansiranje prethodno navedenih prioritetnih aktivnosti po ovom posebnom cilju primjenjivat će se finansijski kriterij od maksimalno 6.000 KM državne pomoći po apliciranom projektu.

Iznos državne pomoći koji može biti zatražen za sufinansiranje i finansiranje projekta je do 6.000,00 KM.

**Prijedlozi projekata čiji zatraženi iznos državne pomoći veći od 6.000,00 KM i projekti pisani rukom će u fazi administrativne provjere biti automatski odbijeni kao neprihvatljivi za sufinansiranje i finansiranje.**

Ukoliko je traženi iznos državne pomoći veći od 2.000,00 KM aplikanti su dužni obezbjediti i vlastito učešće od minimalno 20% u odnosu na visinu tražene državne pomoći.

Ukoliko je traženi iznos državne pomoći manji od 2.000,00 KM aplikanti nisu dužni obezbjediti vlastito učešće, a dodjeljenu državnu pomoć po apliciranom projektu mogu iskoristiti za nabavku sirovina, repromaterijala i rezervnih djelova, isplatu plaća i doprinosa, kao i za ostale namjene predviđene Programom.

### **Korisnici sredstava:**

- pravni subjekti koji ispunjavaju opće i posebne uslove predviđene Programom.
- pravni subjekti koji su registrovani za obrt i djelatnosti srodne obrtu (trgovina i ugostiteljstvo), da im je prebivalište (registracija) na prostoru Bosansko-podrinjskog kantona Goražde.
- pravni subjekti koji su opravdali namjenski utrošak dodijeljene državne pomoći koja im je odobrena od strane Ministarstva za privredu Bosansko-podrinjskog kantona Goražde u periodu od protekle tri godine.
- pravni subjekti koji u momentu podnošenja aplikacije imaju minimalno jednog ili više stalno zaposlenih radnika na neodređeno vrijeme (Spisak uposlenih radnika matične evidencije zaposlenih).
- pravni subjekti koji nisu otpuštali radnike u periodu od 01.01.2021. - do momenta podnošenja aplikacije (osim radnika kojima je u prethodno navedenom periodu istekao ugovor i radnika kojima je na neki drugi način dobrovoljno prestao radni odnos, ukoliko za to dostavi dokaz prilikom apliciranja)

### **III PRAVO UČEŠĆA**

Pravo učešća po ovom Javnom pozivu imaju svi pravni subjekti koji ispunjavaju opće i posebne uslove u skladu sa Programom i koji su navedeni kao potencijalni korisnici sredstava u okviru posebnog cilja.

### **IV SADRŽAJ PRIJAVE ZA UČEŠĆE NA JAVNOM POZIVU ZA DODJELU FINANSIJSKIH SREDSTAVA**

Prijava mora biti urađena sadržajno po zahtjevanim elementima iz aplikacione forme i u skladu sa procedurama apliciranja navedenim u „Programu podrške razvoju poduzetništva i obrta za 2021.godinu“.

Prijavu razmatra komisija za izbor korisnika sredstava, ako su dostavljeni:

- popunjeni obrasci aplikacione forme za projekte (popunjeni obrasci ne mogu biti pisani rukom),
- potrebna dokumentacija kojom se dokazuje ispunjavanje općih i posebnih uslova po navedenom posebnom cilju Programa i
- ostala dokumentacija koja utiče na vrjednovanje i ocjenu aplikacija u skladu sa „Programom podrške razvoju poduzetništva i obrta za 2021.godinu“.

Popis potrebne dokumentacije za navedeni poseban cilj Programa sadržan je uz aplikacionu formu za projekte koje je propisalo resorno ministarstvo.

Prijave koje nisu podnesene u skladu sa procedurama apliciranja navedenim u „Programu podrške razvoju poduzetništva i obrta za 2021.godinu“ bit će odbijene i neće biti predmet daljeg razmatranja komisije za izbor korisnika sredstava.

Prijedlozi projekata čiji zatraženi iznos državne pomoći veći od 6.000,00 KM i projekti pisani rukom će u fazi administrativne provjere biti automatski odbijeni kao neprihvatljivi za sufinansiranje i finansiranje.

Sva priložena dokumenta moraju biti izdana od strane nadležnih organa. Priložena dokumenta ne smiju biti starija od 3 (tri) mjeseca od dana objavljivanja ovog poziva na internet stranici Ministarstva za privredu Bosansko-podrinjskog kantona Goražde i oglasnoj ploči resornog ministarstva. Sve priložene kopije dokumenata moraju biti ovjerene od strane nadležnih upravnih organa ili notara ovjerom ne starijom od 3 (tri) mjeseca od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde i oglasnoj ploči resornog ministarstva.

### **V KRITERIJI ZA OCJENU PRIJAVE I IZBOR KORISNIKA**

Izbor korisnika finansijskih sredstava vrši komisija za izbor korisnika sredstava, koja ima zadatak da u skladu sa procedurama apliciranja, selekcije i evaluacije projekata za sredstvima navedenim u „Programu podrške razvoju poduzetništva i obrta za 2021.godinu“ izvrši ocjenu i rangiranje korisnika državne pomoći.

Komisiju za izbor korisnika sredstava imenuje ministar za privredu Bosansko-podrinjskog kantona Goražde.

## **VI NAČIN PREUZIMANJA POTREBNE DOKUMENTACIJE**

Potrebnu dokumentaciju za učešće na Javnom pozivu pripremilo je Ministarstvo za privredu Bosansko-podrinjskog kantona Goražde i ista se može preuzeti sa internet stranice Ministarstva: [www.mp.bpkg.gov.ba](http://www.mp.bpkg.gov.ba) i Vlade Bosansko-podrinjskog kantona Goražde.

## **VII NAČIN PODNOŠENJA PRIJAVE**

Prijave sa odgovarajućom dokumentacijom podnose se u zatvorenoj koverti na adresu:

**Ministarstvo za privredu Bosansko-podrinjskog kantona Goražde  
ul. Maršala Tita br.5 Goražde 73000**

sa naznakom:

**za Javni poziv za odabir korisnika sredstava po „Programu podrške razvoju poduzetništva  
i obrta za 2021. godinu“**

**„NE OTVARAJ“**

i predaju se lično na protokol (zgrada Vlade Bosansko-podrinjskog kantona Goražde) ili dostavljaju preporučenom poštom.

Na poleđini koverte obavezno navesti naziv – ime podnosioca prijave, adresu i kontakt telefon i ovjeriti pečatom pravnog subjekta.

Rok za dostavljanje prijava je 7 (sedam) dana od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde i oglasnoj ploči resornog ministarstva, a krajnji rok je 07.12.2021. godine (utorak) do 16,00 sati.

Prijave primljene nakon isteka roka bit će odbačene i neće biti predmet razmatranja.

U postupku Javnog poziva Ministarstvo ne snosi nikakve troškove učesnicima u Javnom pozivu, te zadržava pravo da u slučaju opravdanosti prijavu prihvati, odbije ili poništi Javni poziv. Prispjela dokumentacija neće se vraćati.

## **VIII OSTALE ODREDBE**

Sa podnosiocima prijava čiji se projekti odobre Ministarstvo za privredu Bosansko-podrinjskog kantona Goražde potpisuje Ugovor o utrošku dodjeljene državne pomoći, kojim će se definisati međusobna prava i obaveze ugovornih strana, a posebno način i dinamika korištenja dodijeljene državne pomoći, te nadzor nad utroškom iste u skladu sa „Programom podrške razvoju poduzetništva i obrta za 2021. godinu“.

Nakon provedene administrativne procedure i evaluacije dostavljenih prijedloga projekata za sredstvima, Ministarstvo će obavijestiti sve aplikante koji nisu ispunili administrativnu provjeru i evaluaciju po Programu.

Podnosioci prijava čije se prijave odbace ili odbiju, mogu uložiti prigovor Ministarstvu za privredu Bosansko-podrinjskog kantona Goražde u roku od sedam dana od dana dobijanja obavjesti da nisu ispunili administrativnu provjeru i evaluaciju po Programu.

Konačnu odluku o prijedlogu rang liste za dodjelu državne pomoći donosi ministar za privredu Bosansko-podrinjskog kantona Goražde, a o dodjeli državne pomoći Vlada Bosansko-podrinjskog kantona Goražde.

Sve dodatne informacije vezane za ovaj Javni poziv mogu se dobiti svakim radnim danom na broj telefona: 038/224-264, u vremenu od 11 - 15 sati.

**MINISTAR**

---

Haris Salković